

საგაზეთო ჩანართს გამოსცემს ახალგაზრდა მეცნიერთა კავშირი „ინტელექტი“.

# მიგრანტი



№13 / 2016



## ყველაზე ტკბილი, გამრიქილი და წარმატებული გამოცდა

**შვიდი მიგრანტი ქალბატონი ქობულეთის საზოგადოებრივ კოლეჯ „ახალ ტალღაში“ კონდიტრის პროფესიას დაეუფლა. სასწავლო კურსი მიგრანტებმა პროექტის „მიგრანტთა მდგომარეობის გაუმჯობესება აჭარის რეგიონში“ ფარგლებში გაიარეს. პროექტის მიზანია აჭარის რეგიონში დაბრუნებული, პოტენციური და ეკონომიკურად აქტიური გრძელვადიან პერსპექტივაზე გათვლილი ცხოვრების ღირსეული პირობების ჩამოყალიბების ხელშეწყობა, მიგრაციისა და განვითარების საკითხების დაკავშირება და მიგრანტთა ჩართულობის დონის ამაღლება რეგიონის ეკონომიკური განვითარების პროცესებში. პროექტს ახორციელებს ახალგაზრდა მეცნიერთა კავშირი „ინტელექტი“ ვერაკავშირის ფინანსური მხარდაჭერით.**

ყავაძეს და ლია ნიჟარაძეს, უდავოდ კარგად უმუშაობთ!”  
გარდა კომისიის წევრებისა, აღფრთოვანებას ვერ მალავდნენ პედაგოგები და სტუდენტებიც. თავიანთი ნახელავით ამყობდნენ და თამამად ანვინდნენ დაგეგმივების მსურველებს.  
ორმა ანანიძე „ახალი ტალღის“ ერთ-ერთი კურსდამთავრებულია. კონდიტრის შესწავლა ადრევე სურდა, მაგრამ ოჯახის ფინანსური შემოსავლებით ვერ შეძლო. მოგვიანებით ახლობლის საკონდიტროში დაინიშნა სტაჟორად სიარული და სწავლა, მაგრამ როცა ქობულეთის ერთ-ერთ საკონდიტროში გაქანდა გაჩნდა, შემოთავაზების მიუხედავად ვერ დასაქმდა, რადგან კონდიტრის სპეციალობის დამადასტურებელი დოკუმენტი – სერტიფიკატი არ ჰქონდა.  
ახალგაზრდა მეცნიერთა კავშირი „ინტელექტის“ პროექტის „მიგრანტთა მდგომარეობის გაუმჯობესება აჭარის რეგიონში“ და ამ პროექტის ფარგლებში გათვალისწინებული სასწავლო კომპონენტის შესახებ ირმა ანანიძეს კონდიტრების პედაგოგმა ლია ნიჟარაძემ ურჩია. მერე „ინტელექტის“ თანამშრომლებს დაუკავშირდა, საჭირო დოკუმენტები შეეგროვა და ექვს ეკოლოგიურ და შრომით მიგრანტთან ერთად სწავლა დაიწყო. შედეგით კმაყოფილია. ამბობს, რომ ბევრი იგეთი საკონდიტრო ნაწარმის მომზადება ისწავლა, რაზეც მანამდე წარმოადგენდა არ ჰქონდა, მაგალითად, ტორტების გასაფორმებელი შაქრის ფიგურების მომზადება. ირმა ანანიძე მიიჩნევს, რომ მის მიერ არჩეული პროფესია ქობულეთის შრომის ბაზარზე მოთხოვნადია და იმდენს, რომ არც სამსახურის ნახვა გაუჭირდება. „სხვა თუ არაფერი, ოჯახში შეიძლება შაქრის ფიგურების მომზადება და საკონდიტროში ჩაბარება“, – აღნიშნა მან. ანანიძე მადლობას უხდის ახალგაზრდა მეცნიერთა კავშირს „ინტელექტის“ და „ახალი ტალღის“ პედაგოგს ლია ნიჟარაძეს: „ინტელექტმა“ შესაძლებლობა მომცა, გამხდარიყავი პროფესიონალი და სერტიფიკატის კონდიტერი. რომ არა ეს ორგანიზაცია, ალბათ ვერ მოვახერხებდი სწავლას. მადლობა ამ შესაძლებლობისთვის, კეთილი ნებისთვის და კიდევ ბევრი ჩემნაირი მიგრანტის გახარებისთვის. მადლობა ლია მასწავლებელს, რომელიც სამი თვის განმავლობაში გვერდში გვედგა, გულდასმით გვისწავდა და ყოველივეს და გვასწავლიდა, თავის ძალებს არ იშურებდა, რომ აქამდე მოვეყვანეთ. დღეს რომ მის სახეზე ღიმილს ვხედავ, მიხარია. ეს იმას ნიშნავს, რომ გავუმართლეთ თითოეულმა ჩვენგანმა და ისიც ბედნიერია. ჩვენი და ლია მასწავლებლის წარმატებაზე ჩვენ მიერ გამოცდაზე მომზადებული დესერტები მიუთითებს!”  
ირმა ანანიძე გაცხადებს სასწავლო კურსით კმაყოფილია და ახლობლებსაც ურჩევს „ინტელექტის“ მიმართოს.  
„ინტელექტის“ პროექტში „მიგრანტთა მდგომარეობის გაუმჯობესება აჭარის რეგიონში“ მანანა ბაჟუნაშვილი მეგობრის

რჩევით ჩაერთო. მან სხვა მიგრანტ ქალბატონებთან ერთად კონდიტრის კურსი გაიარა და შედეგით კმაყოფილია: „ძალიან საინტერესო და სასარგებლო პროექტია. კოლეჯში პირობებიც კარგია, ვინც დაინტერესებულია სასურველი პროფესიის შესაბამისად ნამდვილად ბევრ რამეს ისწავლოს. აქამდე ოჯახში ვამზადებდი ტკბილეულს მხოლოდ. ახლა შემიძლია ცოტათი ნინ წავიდე და შეკვებებიც მივიღო, მაგალითად, ტორტებზე. აქ გავაცნობიერე, რომ თურმე ბევრ რამეს არასწორად ვაკეთებდი... ახლა ვისწავლე და კმაყოფილი ვარ! გამოხარდება ეს პროექტი კიდევ თუ გაგრძელდება და ბევრ ჩვენსაირ გაჭირვებულ მოქალაქეს მიეცემა სწავლის შესაძლებლობა, ვინც დამოუკიდებლად, თავისი ხარჯებით ვერ ახერხებს. ჩემს ნაცნობ-მეგობრებში უკვე ბევრს ვურჩიე „ინტელექტს“ დაუკავშირდეს და ეს შანსი გამოიყენოს.“  
მანანა ბაჟუნაშვილი 46 წლისაა. ამბობს, რომ „ასაკი განათლებას ვერც ერთ ეტაპზე ხელს ვერ შეუშლის. თუ მონდომებულია ადამიანი, ნებისმიერ ასაკში მოახერხებს სწავლას! ყოველი ლექცია ძალიან საინტერესო და სასარგებლო იყო, მაქსიმალურად ვცდილობდი არ გამეცდინა და ყველაფერი იმის მომზადება მესწავლა, რასაც მასწავლებელი გვასწავლიდა. ვფიქრობ, ვინც საკუთარ თავში აღმოაჩენს, რომ ის სვერი აინტერესებს, ასაკის მიუხედავად სწავლა უნდა დაიწყო. მადლობა „ინტელექტს“ ამ შანსის მოცემისთვის და წარმატებები ყველას, ვინც ჩემთან ერთად სწავლობდა კონდიტრობას და იმათაც, ვინც ჩვენს გზას გაყვება მომავალში. ეს უდავოდ ხელშეწყობის ყველაზე ტკბილი, ლამაზი და გემრიელი სახეობაა.“  
ლია ლაშქარაძეც კონდიტრის კურსდამთავრებულია. პროექტში „მიგრანტთა მდგომარეობის გაუმჯობესება აჭარის რეგიონში“ ბიკოლას რეკომენდაციით ჩაერთო და შედეგით კმაყოფილია: „ეს იყო ძალიან საინტერესო სამი თვე. ვისწავლე სხვადასხვა სახის დესერტების მომზადება. შევიძინე მეგობრები... მოუხედავად ასაკობრივი სხვაობისა, საქმეს ყველა ერთნაირი მონდომებით და ინტერესით ვაკეთებდით. ასაკი ბარიერს არც ურთიერთობაში გვიქმნიდა და არც სწავლაში. რამდენადაც ტკბილ დესერტებს ვამზადებდით, ურთიერთობაც ასეთივე ტკბილად გვექონდა. მართალია, ყველა სახის დესერტის მომზადების შესწავლას დიდი ინტერესით ვადევნებდი თავს და უკვე დამოუკიდებლად შემიძლია მომზადება, მაგრამ განსაკუთრებით ქაღალდის და ტორტების გაკეთება მიყვარს. მომავალში მინდა ამ მიმართულებით ვიმუშაო... მადლობა „ინტელექტს“ ასეთი კარგი პროექტისთვის, იმ ადამიანების ხელშეწყობისა და გახარებისთვის, ვინც დამოუკიდებლად სწავლას ვერ ახერხებს, ვინც ბუნებამ არ დაინდო და ლია ცის ქვეშ ბედის ანაბარა დატოვა (გულისხმობს ეკონომიკურებს, ავტო), ვინც იძულებულია სამუშაო სხვა ქვეყანაში ეძებოს, თუნდაც ნაკლებად პრესტიჟული და დაბალანაზღაურებადი... ეს შემოთავაზება ნამდვილად ჩვენი შანსია!”

## წარმატებული ბენეფიციარი სტილისტი რუსუდან სურმანიძე

„უპირველეს ყოვლისა დიდი მადლობა პროექტის „მიგრანტთა მდგომარეობის გაუმჯობესება აჭარის რეგიონში“ ავტორს, ახალგაზრდა მეცნიერთა კავშირს „ინტელექტის“ გუნდს, რომლებიც მაქსიმუმს აკეთებენ, რათა პროექტი წარმატებით განხორციელდეს და აჭარის რეგიონში მცხოვრები ეკოლოგიური და შრომითი მიგრანტების მდგომარეობა გაუმჯობესდეს. მიმართა, რომ ეს სასიკეთო საქმე არაჩვეულებრივად გამოსდით და ეს ჩვენს – შრომითი და ეკოლოგიური მიგრანტების მდგომარეობაზე აისახება. თამამად შემიძლია განვაცხადო, რომ „ინტელექტის“ ხელშეწყობით მივაღწიე წარმატებას, პროფესია შევიძინე, რაზედაც მანამდე ვცდილობდი, ჩემთვის გულში ვფიქრობდი და გვემებს ვაწყობდი.“  
„ინტელექტის“ წყალობით ჩემი ცხოვრება უკეთესობისკენ შეიცვალა. ამ ორგანიზაციის დამსახურებაა ის, რომ დაეხელოვნდი, ჩემი პროფესია მაქვს – სტილისტი გახდი. სურვილი შემისრულდა, მიზანს მივაღწიე - უკვე ჩემი პროფესიით ვმუშაობ ბათუმში, სიღამაზის სალონში „ლიზმა“.

ეს საქმე აქამდე არ მიკეთებია, მოყვარულის დონეზეც კი. სწავლის შანსი რომ გამიჩნდა, გადაწყვეტილება სპონტანურად მივიღე, მაგრამ ახლა კმაყოფილი ვარ: ის ნაბიჯი გადავდგი, რამაც პროფესია შემიძინა, სამუშაო მომიცა... ყველაფერი ქობულეთში, კოლეჯ „ახალ ტალღაში“ ვისწავლე. არაჩვეულებრივი მასწავლებელი გვყავდა, თამარ ემორიძე. მისი წყალობით თამამად შემიძლია ახლა ნებისმიერი ვარცხნილობის გაკეთება. დიდად კმაყოფილი ვარ იქ სწავლით, პერსონალის ყურადღებით, იქ არსებული თბილი და ოჯახური გარემოთი...  
თავდაპირველად ვარცხნილობებს მანეკენებს ვუკეთებდით, თმას ვუღებავდით, ვუხვევდით, მელორებს ვუკეთებდით... მერე – ერთმანეთს, ახლა კი უკვე ჩვეულებრივ კლიენტებს ვუკეთებ ვარცხნილობებს.

აქამდე შრომითი მიგრანტი ვიყავი, თურქეთის რესპუბლიკაში ქალაქ სტამბოლში ვმუშაობდი ტექსტილის ფაბრიკაში. პირობებს არა უშავდა, ანაზღაურებაც ნორმალური მქონდა, მაგრამ ოჯახის დატოვებად არ მიღირდა. მესამე თვეა აქ, ჩემს ქვეყანაში, მშობლიურ გარემოში შეეძქელი სამსახურის შოვნა, თავს აღარ ვთვლი შრომით მიგრანტად და ეს ახალგაზრდა მეცნიერთა კავშირს „ინტელექტის“ დამსახურებაა!



რუსუდან სურმანიძე

ამ ორგანიზაციამ იცით კიდევ რა მომცა? ჩემს შესაძლებლობებში დამარწმუნა და მიმხვედრა, რომ ბრძოლა ნამდვილად ღირს მიზნის მისაღწევად. კიდევ ახალი მეგობრები შევიძინე, რომლებთანაც ბევრი მაქვს საერთო: სტატუსი, სოციალური მდგომარეობა, პროფესია... ძალიან კმაყოფილი ვარ მათთან ურთიერთობით და არ მინდა დროთა განმავლობაში დაგვარგო... ძალიან კარგი ჯგუფი ვიყავით, კარგად გავუყუეთ ერთმანეთს... პედაგოგიც ძალიან კარგი გვყავდა. ყველა ერთ მუშტად შეკრული ვიყავით, კარგად და მეგობრულად.

ჩემი პროფესია ძალიან მომწონს, უფრო მეტიც: მიყვარს. ყველა პროცედურას საიმონგებით ვასრულებ, მაგრამ ყველაზე მეტად დავარცხნის პროცედურა მიყვარს.  
სალონში – „ლიზმა“ მეგობრის რეკომენდაციით მივედი. უკვე სამი თვეა ვმუშაობ. კლიენტებიც არიან. რაც დრო გადის, მით მეტად ვწონდები, რომ საჭირო და პერსპექტიული პროფესია შევისწავლე და ამით ძალიან კმაყოფილი ვარ!

ყველა მიგრანტს ვურჩევ, ჩაერთოს „ინტელექტის“ პროექტში „მიგრანტთა მდგომარეობის გაუმჯობესება აჭარის რეგიონში“, მისცენ საკუთარ თავს შანსი მშობლიურ ქვეყანაში მოთხოვნილი პროფესიის შესწავლისა და დასაქმებისა.“

**ჩანართი მომზადებულია ვერაკავშირის ფინანსური მხარდაჭერით, პროექტის „მიგრანტთა მდგომარეობის გაუმჯობესება აჭარის რეგიონში“ ფარგლებში. ტექსტში მოყვანილი მოსაზრებები შეიძლება არ ემთხვეოდეს ვერაკავშირის ოფიციალურ პოზიციას.**

**ჩანართის რედაქტორი: თაინა კაპაძია**  
მისამართი: ბათუმი, ფიროსმანის №18  
ტელ: 24 16 40; ფაქსი: 24 16 50; მობ: 592 57 18 00  
ელფოსტა: info@intellect.org.ge;  
ვებგვერდი: www.intellect.org.ge